

# 來鳳縣志

卷五六

地輿志

山川 古蹟  
塚墓附

卷七至十

建置志

城池 公署  
倉儲 學校


壇廟寺觀附  
坊表 津梁

義塚附

卷十一

典禮志

慶賀迎春附  
鄉飲 救護



來鳳縣志卷五

地輿志

山川

貴帽山縣西南五十里山前後兩峯其峯如帽聳人雲  
霄霧興卽雨課之屢驗上有連珠坡形家爲七星聚會  
乾隆時潘邑侯稱爲文峯隱射奎宿邑之科名卽係乎  
此遂禁以碑

翔鳳山縣東三里山形聳拔如鳳舒翼故名又名近鳳  
山出城東門百十武厯石磴五十級曰半邊城高岡平

來鳳縣志

卷之五

地輿志

山川

一

遠嘉木叢生鳳泉在其左其甘若醴邑中第一泉也右  
則鳴鳳樓在焉高五十餘尺登之可窮數百里下視城  
市萬瓦參差由鳳泉折而南皆踏鳳脊而行下渡小溪  
橋一峯撲面勢若迎人從此徑愈危境愈妙又南上半  
里始登絕頂上有觀音寺紺宇琳宮掩映於萬竿修竹  
中寺外老桂一株花時香聞數十里下瞰官渡行人如  
織碧波芳草更自生妍隔岸湖南諸山若拱若伏盡在  
足下春秋佳日游者雲集

水寨山在亨康里三面距水昔散毛宣撫紮寨於此以

防湖南苗寇上有龍鳳觀

官寨坡在貞肅里前明散毛土司設以禦容美桑植各司上有朝陽寺

登高山在貞肅里昔散毛宣撫九日登高觴詠處也

巖丫口在貞肅里山翠而峻中缺月至缺處始見昔人呼爲雁門吐月

迴龍山縣西十里山勢盤屈上有唐時佛庵今圯矣基址猶存

土城坡在亨康里散毛土司築以防邑梅者故址猶存

來鳳縣志

卷之五

地輿志

山川

二

得勝坡在貞肅里原名鮓桶坡下有土坑土司封收戰骨之處嘉慶丙辰總兵慶溥敗白匪於此因改今名

五馬山縣北十里五峯高聳形如犇馬

三尖山縣西北四十里三峯筆立蒼翠欲滴中平曠可容數千人嘉慶丙辰咸豐辛酉避難者多在於此

虎耳山縣西一里伏虎洞對岸高十餘丈通黔蜀大路白巖山距城十二里城北諸山此爲獨高上多靈怪雲

興卽雨

九龍山縣南十五里九峯接連如龍蟠俗名九龍盤下

有九龍洞洞中有靈禱雨卽應

白鳳山

武山

懷來山

獅象二山縣南二十五里河流出口處懸巖絕壁水中盤石似珠左右小山肖獅象拱伏

望雲山在孝原里石壁峭立高十餘里上有佛寺登其巔酉陽黔中一覽可盡

玉屏山縣北一里俗名觀城坡爲縣城後岸方正如屏

來鳳縣志

卷之五

地輿志

山川

三

紅桂坡縣北一里高可十丈又名鳳臺亭上多紅桂故名

老鷹坡縣東北十里山高峻如鷹隼聳立舊志譌作鶯坡

新寨坡縣東十二里山形橫亘右阻巖谷左帶大河前俯平疇後盤曲磴由來鳳至宣恩大道咸豐辛酉冬劉方伯嶽昭李總兵復盛連營於此以拒髮逆

翠眉山縣西里許兩山分列如掃蛾眉

勒馬坡縣西三十五里山徑畝仄乾隆二十年典史張

成堞勒馬過此病其險捐俸修之故名

轎頂山縣西北二十里形如轎頂

白羊坡縣東二里相傳漢時有白羊數羣忽隱忽現故名

馬鬃嶺縣南三十里紅巖截嶠仄徑崎嶇嘉慶元年副將樊繼祖曾駐兵於此上有韓婁廟不知何神

馬鞍山縣北十里兩峯高聳如馬鞍

松雲山縣東十里三峯屏列蒼翠欲滴上有松桃萬株清流下繞登之眼界極豁有閣名高遠邑紳張氏讀書

來鳳縣志

卷之五

地輿志

山川

四

處也

鍾靈山縣南四十里 詳關隘

獅子山形肖獅子仁育里之水口山也

翠雲山縣西二十里一峯高聳蒼翠入雲

佛山在孝原里距縣西三十里與雀兒峯對峙中通一

峽高洞河之水出焉上有佛寺隨雨晴爲隱現

望月山縣西三十五里孤峯挺峙下臨大道

天然圖畫山在縣南百二十里仁育里覃家營衆山環列如城水自茅岡洞流經其下岸峯壁立如數幅畫圖

淺深濃淡設色天然下有泉產石如魚天將雨則飛躍入雲晴則伏者爲飛魚泉巖有白石形如半月入夜而明者爲景星巖山石空靈擊之作金鼓聲其形狀則千譎百詭未易備述邑中山外最竒絕處也

望遠峯在縣南百二十里羣峯攢簇中突兀矗起高四五里登之西陽秀山黔江諸山卯崙安撫洞長諸水悉在目前

天門山在卯崙石壁極陡處有門洞開遠望如鏡古號涼風洞

來鳳縣志

卷之五

地輿志

山川

五

挂榜山在仁育里山自西蜀天龍山來迤邐入縣境數十里至木車壩聳然壁立高數十丈形如挂榜山麓一石如馬奔騰

月巖在仁育里山上有石晶瑩如月

腰帶巖在仁育里山腰橫石若帶月夜望之較他處倍明

筆架山在仁育里三峯並立中峯微高形如筆架  
秦古寺山在仁育里林木茂美絕頂有寺曰秦古寺廢圮已久

黑山在利正里山極高峻春夏雲霧彌漫罕見其頂嘉慶丙辰白匪之亂川督孫中堂駐軍於此遺壘尚存大營山縣南三十五里龍嘴河遶其三面地極險孫中堂自黑山移營於此塘房坡縣南三十里通卯崗大路前與九龍盤遥遥對峙左右岡巒廻合綿亘數十里縱橫可容萬軍咸豐辛酉髮逆之亂邑諸生周在中田耕心等召募鄉勇約會西陽州牧王鱗飛主事陳繼薰連營拒賊於此仙人掌縣南六十里一石高聳如掌

白巖山縣西一百二十里形家謂縣城來龍也其山從峨嵋發脉經西陽逶迤而來半山中忽巖壁削成高聳百丈周圍石墻橫列約數百重其色皆白遠望若白雲合布上有玉池水方員約二里巖口一逕容人比肩而過入口忽兩峰對立如門曰朝天門門下有洞瀑布數十丈飛下與紅石茶園兩溪合流卯崗此山北由薄刀嶺土地丫天山坪繞咸豐界至滴水關三堡嶺過五馬山直結縣局沈木園三臺坡兩險隘亦在其中邑中之最高且大之山也

青屏山在縣南百餘里青石屹立了無餘土類刀削成  
望之若屏  
凌雲山在忠崇里  
獨秀峯在忠崇里  
鷹嘴巖在忠崇里  
將軍石距城西七十五里黑崗塘上有三石一高八九  
丈一高六七丈一高五六丈森然鼎列遠望如人甲冑  
而立後有小石筍高數尺者若林

蜂巖仁育里峰巖四十八座求蜜者非歷險不得其尤

來鳳縣志

卷之五

地輿志

山川

七

險者爲大洞自大洞北行三十里巖高百尺得石逕寬  
不及尺欹斜而上約數十丈得石槽廣五六尺以小木  
作梁名箱子巖有石橫路過者必抱定此石旋轉而行  
旋轉時石動搖有聲至此縋數十丈而下始得蜜  
龍嘴河在仁育里木車壩洞長壩兩水交滙處中夾一  
山曰龍頭嘴春夏水漲兩水雖濁會合處有藍色一片  
拖浮水面  
香爐巖在卯崗巖高千丈形如香爐旁有蓮花瓶  
觀音巖縣西二里曰茅坪峭壁千尋道光初巖中忽現



觀音像仰而望之宛似飛來邑侯方公建石臺其下高  
數丈咸豐己未邑人卽石臺爲層閣名曰飛來閣  
梯子巖縣西南一百四十五里巖勢陡峻登陟如梯  
佛潭巖縣東十五里峭壁無梯下臨深潭詳見古蹟  
石巖門縣西六十里兩巖對峙其形如門中通一道東  
山月出從門隙照入舊志所謂巖門穿月也

三脚巖縣東南一百里

獅子巖縣西四十五里

麂子峽縣西一里危巖相向其高摩天灘聲如雷徑險

來鳳縣志

卷之五

地輿志

山川

八

而峻咸豐辛酉冬惠協戎戰死處也

伏虎洞縣西一里巖石欹仄水從中出愈入愈狹有窮  
其境者伏沙石中匍匐而出則抵攔河矣中有綠魚長  
五六尺晴久則出出卽雨人多見之

犀牛洞縣東南七十里洞極幽暗水深不測土人相傳  
有犀牛出入河畔故名

九龍洞在九龍山中有靈湫禱雨有應

孝子崗縣西二里嘉慶元年茂才周南奉親避亂罵賊  
遇害處署令王公三錫題曰孝子崗

樂崗縣西十五里一名三樂崗中極平曠可安床席容數十人  
爛柴崗縣東十五里兩山迴抱中有石室男女可以異居溪水盈盈一木渡之水日供千人不乏  
花魚崗縣東北二十里洞小而深徑危以仄外臨溪河白巖崗縣北十二里一名飛洞在白巖山東南崗口僅容一人行二十武始寬鄉人每禱雨於此中產硝亦名硝崗峭壁間別有小洞成豐辛酉九月鄒烈女罵賊殉節處也

來鳳縣志

卷之五

地輿志

山川

九

天姥崗在百戶司二三里許俗名漣漣崗崗臨大河極寒雖暑甚必裘而入崗濶大而曲折初入如堂皇仰觀若雕鏤堂上石臺有石像天姥石蓮繞之以足頓地鏗然作鐘鼓聲左右皆有門窺之正黑非列炬不敢入左折而上有石黑龍長三四丈蜿蜒欲動疑挾風雨使人毛髮淅洒又有石鳶作飛鳴狀再進聞水聲潺潺復行數十武忽天光射入照見石田千畝畛畦朗然石甕石甕纍纍無數再前愈深不可測不敢復入轉自右門出仍至於堂

天然洞在孝原里紅魚泉洞口藤蘿繚繞莫知所入自上而下石逕盤旋泉水涓涓內分兩途左深十餘里右開數十丈之堂石柱高擎曲磴斜倚中有天塹深無底止於細路不容迹處渡以畧狃忽歷土梯石門露焉一夫守之萬夫無策咸豐辛酉避亂於此者數千人俱獲全

釣巖洞縣北七里壁立千尋洞在山半中有巨石如人當門而立嘉慶丙辰咸豐辛酉避亂者多於此獲全龍柱岢縣西六十里巖石雄拔中有岢三層高廣皆十

餘丈入必列炬愈入愈濶可容數萬人然空無所有過此則有石潭深五六丈廣如之無水惟磊磊白石潭盡得巖巖之中石罅露焉罅僅二尺伏而入約百步出口復進一層別開生面石乳下垂如柱柱端尖銳欲滴石筍林立距柱或二三尺或四五尺皆嵌空玲瓏如游玉筍瑤簃中令人神暢最勝者乳林中有一柱自頂及趾大可一圍一龍蟠焉頭角崢嶸鱗爪飛動其隙處有若人物車馬花草形狀逼肖土人呼曰蟠龍柱又曰將軍柱石壁中有孔容一人縋而出丈餘已至平地則咸豐

之忠堡屯矣土人曰自陽和壩至此盖十里程也

乾龍崗縣西五十里

巴息崗縣西八十里亦曰八雪洞

九靈崗在縣南明初向天富作亂調西陽土兵隨藍玉討平之以附近九靈地歸西陽今仍在來鳳界中

阿坡崗在悌恭里

高崗在孝原里懸巖千尋深潭百丈石逕難攀險阻可恃髮賊犯境時避於此者保全甚衆

上家崗在孝原里

來鳳縣志

卷之五

地輿志

山川

十一

黑崗在忠崇里

黔江崗在信茂里

無盡崗在卯崗欄河古渡左岸磨刀溪中有石門石樓深潭綠水牛馬足跡行數日不能盡也

涼風崗縣西南十里

龍崗縣北五里其下湍水激流建有橋卽龍崗橋也

卯崗

詳見古蹟

佛潭河源出宣恩鶴峯交界處之將軍山在宣恩境爲白水河西南流入來鳳縣界卽古五溪中之西溪也初

入縣界爲佛潭河於縣諸水爲最大故曰大河經犀牛潭至倒開門由東而南至陳家灘小河坪小河自東北來南流入焉又南歷簡家潭至小壩徑近鳳寨東門河水自東北流入焉西折爲龍津冉大河滴水嶺以下板橋客寨河諸水入焉又東南流爲紅巖堡河楮皮嶺乾龍崗天蒜坪及東流司屬各溪水入焉又南流爲仙人崗河石巖門永安壩紡車溪及大旺臘壁司屬各溪水入焉又東南流徑犀牛崗河三脚巖冉家壩界址溝等水入焉又南折徑仙崗過硤至卯崗司梯子巖水自北

來鳳縣志

卷之五

地輿志

山川

十二

流注之梅子嶺怯道河水自西流注之竟縣東南二境計程一百二十餘里爲縣水宗幹其自東北來者一北來者三西來者四西南來者三東南來者二計水一十有三道皆注焉滙爲大河入於辰沅其由龍山諸水來注者不錄正疆界也蓋河西屬來鳳河東屬龍山也嘗考各舊志散毛司沿革皆以爲五溪地竊意古人必有確証非漫爲附會者獨恨未嘗明指爲五溪中何溪耳及加考証惟明史地理志爲獨詳於散毛宣撫司則曰南有白水河一名酉溪自忠建宣撫司流

入東南入永順司界於永順司則曰西南有水溪卽西水下流入沅陵縣界於忠建司則曰南有白水河源出將軍山邑散毛故地也永順司卽今龍山縣及永順縣地忠建司卽今宣恩縣地所稱將軍山在宣恩東南一百二十里毗連鶴峯州界緣山東南行四五十里地名羅戈川白水實源於此與湖北通志源出宣恩鶴峯交界之說相符乃確知此水之卽爲酉溪也按酉溪爲禹貢九江之一水經註酉水出故武陵充縣之酉源山至沅陵縣南注沅水與漢書註同

明一統志充縣在慈利縣西二百四十里今鶴峯正當慈利之西計其道里亦相去不遠尤爲此水發源確証惟亂山叢出溪流輻湊求古所謂酉源者莫可指名耳方輿紀要慈利西北有水沈洞或謂卽漢書之酉源山亦屬臆斷而無可憑一統志所稱酉陽后溪河源出湖南漫水司則由其下流求之而未悉后溪之卽酉溪也江陵新志稱酉江卽酉溪出會溪城西山中則益由其下流求之而未悉沅陵北河上溯后溪之通爲酉溪也方冉亭禹貢南條水道考異九

江孔殷條下註云辰永諸郡伏流甚多而永之卯崙西水至此伏流山下五里其上下皆大川通舟楫考証極確而原其水之所出則曰自四川西陽而未窮其本源誠如諸書則古西源之說不幾誣乎今以明史地理志及湖北通志發源宣恩鶴峯交界者爲斷其源遠其流長初入宣恩爲白水河至來鳳爲佛潭河至西陽爲后溪河下至沅陵爲北河隨地異名而實則一水沅北諸溪莫此爲大漢書云水行二千二百里觀其吐納衆流迴騰奔激經歷數郡而會於沅

較今湖南之所謂西溪不數十里而卽入江者大小懸殊矣或謂邑之卯崙卽酉崙古卯字作𠄎酉字作𠄎後世誤𠄎爲𠄎遂謂之卯崙西水實經其中疑卽由此得名究之事屬推測或因崙而名水或因水而名崙誰爲最古則誠無可考耳

東門河一出花廠至小河溪一出大溝經干溪至龍崙橋自乾元寺前合流繞縣東而南流入大河

舊志作源出峽口寨

誤

小河在縣東十里源出爛柴崙徑小河坪折流冷杉坪

西南人佛潭河

客寨河在縣南一里源出宣恩縣之冉大河及老鴉關滴水關水溪東流伏虎崗又東至客寨南過四斗種北流至翔鳳山東入龍津大河

板橋河在縣西一里源出漫塘由散毛舊司東流與客寨河合入龍津大河

欄河縣西一里流逕伏虎洞入龍津大河

紅巖河縣南三十里源出殼皮嶺天蒜坪東流入大河南入卯崗此處兩山對峙中夾一澗春夏水漲溪水巖

來鳳縣志

卷之五

地輿志

山川

十五

流犇騰激湍雖有官渡行人苦之道光元年邑人楊文龍捐萬金建石橋其上往來者如游康衢

高崗河縣西南三十里孝原里花屋灘之下河中天生二石梁人呼爲石龍過江中缺丈許如門鄉人架板橋於上石下有洞水流其上

漫水河匯各溪流下入卯崗大河在縣南八十里

舊志

龍嘴河縣南三十里縣治諸水與龍山瞥水合流處也兩山對峙壁立千仞有灘曰魚灘魚從中分每春夏之交自下而上漁人以兩笥並乘在龍山者色黃色黑無



鱗在來邑者色白有鱗以一水而魚分兩縣兩色亦竒  
紡車溪縣西一百二十里源出永安壩山下經上寨出  
仙人崗入卯崗大河  
怯道河縣西一百三十里源出酉陽州經百戶至涼水  
井入卯崗大河合流入於辰沅  
水溪源出後山繞縣西而東南流至虎七溪入卯崗大  
河  
達東溪  
芭蕉溪

來鳳縣志

卷之五

地輿志

山川

十六

社壇溪在悌恭里  
細沙溪在信茂里  
杉木溪在忠崇里  
濯足溪在忠崇里  
紅巖溪在元阜里  
小河溪在元阜里  
老虎灘河在城西六十五里大旺司一發源於信茂里  
天山坪旋坨土地丫等處與咸豐黔江交界東流六十  
里至大河壩交忠崇里界一發源於忠崇里白巖山北

流三十里至大河壩橋渡口合流遶忠崇里界東流三里至小河有梯恭里杉木塘水南流會之東流三里至乾石洞稍折南流三里至老虎灘有古竹溪黑洞塘二水會之稍折環繞大旺司而南又東流三里至竹壩渡口有螺螄塘溪水會之又東流八里至舊司場有梯恭里三刀林溪水由水田壩臘壁司南流三十五里會之稍折東南流二十五里出利正里峽口至體河入大河流出卯崙

虎潭縣西一里伏虎洞口

來鳳縣志

卷之五

地輿志

山川

十七

像魚潭孝原里峽口之上游有深潭清澈異常中有大石袤八九丈廣三丈餘形酷似魚其首向上水分兩歧石若洋洋欲動高下隨水之消長人呼爲鯉魚上灘石馬潭在仁育里潭中有石如馬踏波而立隨水消長俗呼馬娃潭旋潭在仁育里水自龍嘴出至此不拘消長潏洄不息大小龍潭在仁育里洞長壩石牛潭在貞肅里河中大石形類牛隨水消官堰潭在貞肅里散毛土司蓄魚供祭祀處也後改爲

官渡

佛潭縣東十五里水深不測下有神魚禱雨立應上卽佛潭巖也

老潭在卯崗司

鳳山泉縣東一里翔鳳山半邊城上石罅一脉滙爲二池甘冽清香不涸不溢古老相傳有鳳飲此故名池右二三尺許另有一池香味遠遜欲辦真僞注水器底浮於上者爲真餘水不能也

小隱泉在板橋側

來鳳縣志

卷之五

地輿志

山川

十八

雙楓泉縣西十五里雙楓橋側山上味出鳳泉上第性過寒耳

靈泉縣南十五里九龍山上泉小而深取之不竭土人謂爲龍湫

花魚泉縣東二十里在花魚崗口

紅魚泉在貞肅里中有紅魚游泳其中捕之不得涼水井泉在卯崗司後山下泉水甚甘四時不竭雖一掬而頃刻千缶鳳泉之亞也

荷葉井泉縣東十里元阜里之陳家灣陳家灣泉皆有

泥氣惟此泉味與鳳泉埒特清澗不及耳

來鳳縣志

卷之五

地輿志

山川

十八